
Ordinaziun davart la concessiun da garantias solidaricas en il chantun Grischun pervia dal coronavirus (Ordinaziun chantunala davart las garantias solidaricas COVID-19)

Dals 27-03-2020

Relaschs tangads da questa fatschenta (numers dal DG)

Nov: –
Midà: –
Aboli: –

Sa basond sin l'art. 48 da la Constituziun chantunala

relaschada da la Regenza ils 27 da mars 2020

I.

Art. 1 Intent

¹ Questa ordinaziun regla la concessiun da garantias solidaricas per credits bancars a favur d'interpresas cun sedia en il chantun Grischun per cumplettar las mesiras federalas tenor l'Ordinaziun davart la concessiun da credits e da garantias solidaricas pervia dal coronavirus (Ordinaziun davart las garantias solidaricas COVID-19).

Art. 2 Premissas

¹ Il chantun conceda garantias solidaricas supplementaras, sch'ina organisaziun da garanzia ha concedi ina garanzia solidarica sa basond sin l'Ordinaziun davart las garantias solidaricas COVID-19.

² Las ulteriuras premissas da l'Ordinaziun davart las garantias solidaricas COVID-19 valan conform al senn.

³ Las garantias solidaricas dal chantun èn subsidiaras a quellas tenor il dretg federal.

Art. 3 Dimensiun da la garanzia solidarica

¹ La garanzia solidarica è limitada a maximalmain 15 pertschient dal retgav decisiv da la svieuta ed a 5 milliuns francs en il cas singul.

² Las garantzias solidaricas tenor l'Ordinaziun davart las garantzias solidaricas COVID-19 e quellas tenor questa ordinaziun na dastgan – ensemen – betg surpassar tut en tut 25 pertschient dal retgav decisiv da la svieuta.

Art. 4 Durada da la garanzia solidarica

¹ La durata da las garantzias solidaricas tenor questa ordinaziun sa drizza tenor la durata da las garantzias solidaricas tenor l'Ordinaziun davart las garantzias solidaricas COVID-19.

Art. 5 Credit general da garanzia

¹ Per las mesiras tenor questa ordinaziun conceda il chantun in credit general da garanzia dad 80 milliuns francs.

II.

Naginas midadas en auters relaschs.

III.

Naginas aboliziuns d'auters relaschs.

IV.

Questa ordinaziun entra en vigur ils 31 da mars 2020 e vala fin ils 30 da settember 2020.